

## განმარტებითი ბარათი

### საქართველოს მთავრობის დადგენილების პროექტზე მდინარეთა აუზების ინტეგრირებული მართვის სააუზო ტერიტორიული ერთეულების საზღვრების დამტკიცების შესახებ

#### ა) ზოგადი ინფორმაცია დადგენილების პროექტის შესახებ

##### ა.ა) დადგენილების მიღების მიზეზი;

----- წლის ----- მიღებული „წყლის რესურსების მართვის შესახებ“ საქართველოს კანონის მიხედვით (მე-3 კარის მე-13 თავის, 43-ე მუხლის „1. ვ“ ქვეპუნქტი) საქართველოს მთავრობას დაევალა ----- წლის -----მდე მიეღო კანონქვემდებარე ნორმატიული აქტი მდინარეთა აუზების ინტეგრირებული მართვის სააუზო ტერიტორიული ერთეულების საზღვრების დამტკიცების შესახებ.

„წყლის რესურსების მართვის შესახებ“ საქართველოს კანონით დადგენილი ზემოაღნიშნული მოთხოვნა განაპირობებს მთავრობის დადგენილების მიღების აუცილებლობას.

##### ა.ბ) დადგენილების მიზანი;

დადგენილების მიზანია, საქართველოში მდინარეთა აუზების ინტეგრირებული მართვის მექანიზმის დანერგვის მიზნით, სააუზო მართვის ტერიტორიული ერთეულების საზღვრების განსაზღვრა და დამტკიცება.

##### ა.გ) დადგენილების პროექტის ძირითადი არსი;

წყლის რესურსების მართვის შესახებ საქართველოს კანონი ეფუძნება წყლის რესურსების ინტეგრირებული მართვის პრინციპებს. წყლის რესურსების ინტეგრირებული მართვის უზრუნველყოფის მიზნით, კანონი ითვალისწინებს

საქართველოში მდინარეთა სააუზო მართვის მექანიზმის დანერგვასა და შესაბამისი სამართლებრივი და ინსტიტუციური საფუძვლების შექმნას. ამ მიზნის მისაღწევად საჭიროა საქართველოს ტერიტორიაზე არსებული მდინარეთა აუზების დაჯგუფება ისე, რომ შეიქმნას მათი ინტეგრირებული მართვისათვის ოპტიმალური ზომისა და მახიათებლების მქონე ერთეულები. შესაბამისად, დადგენილების პროექტში წარმოდგენილ სააუზო ტერიტორიული ერთეულების დადგენისას, მოხდა ზოგი მცირე აუზის (ან აუზების) მიკუთვნება უფრო დიდი ზომის აუზისთვის (რამოდენიმე აუზის გაერთიანება) ან დიდი აუზის ფარგლებიდან მცირე ქვე აუზის ცალკე გამოყოფა, რომლის დროსაც გათვალისწინებულ იქნა როგორც ჰიდროგეოლოგიური მაჩვენებლები, აგრეთვე, წყლის რესურსების მართვის სფეროს ინსტიტუციური შესაძლებლობები, წყლის რესურსებზე დღესდღეობით არსებული და მოსალოდნელი მოთხოვნა და წყლის ობიექტებზე ანტროპოგენული და ბუნებრივი ზემოქმედება. შედეგად, საქართველოს ტერიტორიაზე გამოიყო მდინარეთა აუზების ინტეგრირებული მართვის ექვსი სააუზო უბანი და დადგინდა მათი საზღვრები, რომელთა დამტკიცება შემოთავაზებულია მთავრობის დადგენილების წარდგენილი პროექტით.

“ასოცირების შესახებ შეთანხმება ერთის მხრივ, ევროკავშირს და ევროპის ატომური ენერჯის გაერთიანებას და მათ წევრ სახელმწიფოებსა და მეორეს მხრივ, საქართველოს შორის” (მუხლი 306) გულისხმობს საქართველოს კანონმდებლობის დაახლოვებას ევროკავშირის იმ საკანონმდებლო აქტებთან და საერთაშორისო სამართლებრივ ინსტრუმენტებთან, რომელიც მითითებულია ასოცირების შესახებ შეთანხმების XXVI დანართში, ამავე დანართის დებულებების შესაბამისად.

საქართველოს კანონი “წყლის რესურსების მართვის შესახებ” აგრეთვე მოითხოვს, რომ ამ კანონით განსაზღვრული კანონქვემდებარე ნორმატიული აქტები მიღებულ იქნას ევროკავშირის სამართლებრივ აქტებში ინტეგრირებული ნორმატიულ-ტექნიკური ხასიათის მოთხოვნების გათვალისწინებით (მე-3 კარის მე-13 თავის, 44-ე მუხლი “მისაღები კანონქვემდებარე ნორმატიული აქტების ჰარმონიზაცია ევროკავშირის კანონმდებლობასთან”).

დადგენილების წარდგენილი პროექტი შემუშავებულია აღნიშნული მოთხოვნების გათვალისწინებით.

**ბ) საფინანსო-ეკონომიკური გაანგარიშება, რომლებსაც გამოიწვევს წარდგენილი დადგენილების პროექტის მიღება;**

მთავრობის დადგენილების წარდგენილი პროექტის მიღება არ გამოიწვევს ხარჯების გამოყოფის აუცილებლობას.

**გ) დადგენილების პროექტის ავტორი და წარმდგენი;**

საქართველოს კანონის „წყლის რესურსების მართვის შესახებ“ (მე-2 კარის მე-6 თავის, 33-ე მუხლის „მდინარეთა აუზების მართვის ტერიტორიული ერთეულების იდენტიფიკაცია“ მიხედვით, მდინარეთა აუზების მართვის ტერიტორიული ერთეულების იდენტიფიკაციას ახორციელებს სამინისტრო და დასამტკიცებლად წარუდგენს საქართველოს მთავრობას. შესაბამისად, დადგენილების პროექტის ავტორი და წარმდგენია საქართველოს გარემოსა და ბუნებრივი რესურსების დაცვის სამინისტრო.

დადგენილების პროექტი შემუშავებულია გარემოსა და ბუნებრივი რესურსების დაცვის სამინისტროს მიერ ევროკავშირის „საერთაშორისო მდინარეთა აუზების გარემოსდაცვითი პროგრამის“ მხარდაჭერით.

**დ) ცვლილებები სხვა ნორმატიულ აქტებში, რომელსაც გამოიწვევს წარდგენილი პროექტის მიღება;**

წარდგენილი პროექტის მიღება არ გამოიწვევს სხვა ნორმატიულ აქტებში ცვლილებებს.